

四庫全書

集部

欽定四庫全書

集部

御選歷代詩餘卷九十五

詳校官中書

臣潘有為

侍讀臣孫球覆勘

總校官進士

臣朱

鈐

校對官編修

臣

沈清藻

謄錄監生

臣

崔鶴立

欽定四庫全書

御選歷代詩餘卷九十五目錄

一百十六字

賀新郎

中

劉鎮

李泳

戴復古

宋自遜

三首

嚴仁

三首

趙善扛

毛开

洪咨夔

二首

盧祖皋

二首

高觀國

劉方叔

李劉

韓淲

二首

汪莘

三首

吳潛

六首

李昉英

趙以夫

方岳

四首

張榘

馮取洽

四首

陳以莊

盧炳

黃昇

四首

吳文英

三首

蔣捷

八首

御選歷代詩餘卷九十五目錄

欽定四庫全書

御選歷代詩餘卷九十五

一百一十六字

司經局洗馬掌局事兼翰林院修撰加二級臣王奕清奉

旨校刊

賀新郎

中

賀新郎

題王守西
湖書院

劉鎮

雲澹天垂野望晴郊疎煙半捲斷虹低跨老樹連陰藏
遠景十里湖光照夜看不盡真山圖畫春滿軒牕無著

處更銀蟾冷浸鴛鴦瓦人共境轉幽雅
文章太守歸來也似當年和靖風流小孤山下問訊佩蘭餐菊友曾
約梅兄入社待付與竹臞陶寫塵外閒尋行樂地任傍
人歌舞喧臺榭詩世界有王謝

前調

感舊

李泳

門掩長安道捲重簾垂楊散暑嫩涼生草午夢驚回庭
陰翠蝶舞鶯吟未了正露冷芙蓉池沼金鴈塵昏么絃
斷理餘音尚想腰支裊歡漸遠思還繞
臨臯望極滄

江渺晚潮平。湘煙萬頃斷虹殘。照綵舫凌波分飛後別。
浦菱花自老。問錦鯉何時重到樓迴。層城看不見。對瀟
瀟暮雨。憐芳草幽恨闊楚天杳。

前調

寄豐宅之

戴復古

憶把金罍酒。歎別來光陰荏苒。江湖舊友。世事不堪頻
著眼。贏得兩眉長皺。但東望故人翹首。木落山空天遠。
大送飛鴻北去。傷情久。天下事公知否。錢塘風月西
湖柳。渡江來百年機會。從前未有。喚起東山丘壑。夢莫

惜風霜老手要整頓封疆如舊早晚樞庭開幙府是英雄盡為公奔走看金印大如斗

前調

七夕

宋自遜

靈鵲橋初就記迢迢重湖風浪去年時候歲月不留人易老萬事茫茫宇宙但獨對西風搔首巧拙豈關今夕事奈癡兒騃女流傳謬添話柄柳州柳道人識破灰心久只好風涼月佳時疎狂如舊休笑雙星經歲別人到中年已後雲雨夢可能常有雪竊調冰花熏茗正梧

桐雨過新涼透且隨分一杯酒

前調

括東坡後
赤壁賦

宋自遜

步自雪堂去望臨臬將歸二客從余遵路木葉蕭蕭霜
露降仰見天高月吐共對影行歌頻顧月白風清如此
夜歎無肴有酒成虛度聞薄暮網罟舉歸而斗酒謀
諸婦便攜鱗載酒相從舊追遊處斷岼橫江尋赤壁不
復江山如故但放舟中流容與客去冥然方就睡夢蹠
蹠羽衣揖余語相顧笑遂驚寤

前調

題雪堂

宋自遜

喚起東坡老問雪堂幾番興廢斜陽衰草一月有錢三十塊何苦抽身不早又底用北門攜藻儋耳蠻煙添老色和陶詩翻被淵明惱到底是忘言好周郎英發人間少漫依然烏鵲南飛山高月小歲月堂堂留不住此世何時是了算不滿英雄一笑我有豐淮千斗酒把新愁舊恨都傾倒三弄笛楚天曉

前調

寄上官偉長

嚴仁

蘭芷湘東國正愁予一江紅葉水程孤驛欲寫瀟湘無限意那得如椽綵筆但滿眼西風蕭瑟我所思兮何處所在鐔津津上滄灣側誰氏子閨風客閨風仙客才無敵賦悲秋抑揚頓挫瀏漓沉鬱百賦千詩朝復暮解道波濤春力憶共爾乘槎吹笛八表神遊吾夢見渺洞庭青草煙波隔空悵望楚天碧

前調

清浪軒
送春

嚴仁

碧浪搖春渚浸虛簷葡萄滉漾翠綃掀舞逶曲經過臺

下路載取落花東去問花亦漂流良苦花不能言應有
恨恨十分都被春風誤同此恨有飛絮 人生聚散原
無據儘凭闌一尊相對蘋洲春暮嫉色冲冲空悵望淚
盡世間兒女君不見千金求賦飛燕婕妤今何在看黏
雲江影傷千古流不去斷魂處

前調

送杜子
野赴省

嚴仁

說到城南杜儘風流至今人號去天尺五家世聯翩蒼
玉佩自有文章機杼看鸞鳳九霄軒翥文陣堂堂新得

雋正少年壯氣虹霓吐拈彩筆月城去
出關相送梅
千樹雪連空馬蹄特特曉寒人度帝里春濃花似海吹
入明光奏賦須快展亨衢闊步隨世功名真漫浪要平
生所學期無負須記得別時語

前調

趙善江

晝永重簾卷乍池塘一番過雨芰荷初展竹引新梢半
含粉綠陰扶疎滿院過花絮蜂稀蝶嬾牕戶沉沉人不
到伴清幽時有流鶯轉凝思久意何限
玉釵墜枕風

瓊顫湛虛堂壺冰瑩徹簾波零亂自是仙姿清無暑月
影空垂素扇破午睡香銷餘篆一枕湖山千里夢正白
蘋煙棹歸來晚雲弄碧楚天遠

前調

毛幵

風雨連朝夕最驚心春光晚晚又過寒食落盡一番新
桃李芳草南園似積但燕子歸來幽寂況是單棲饒惆
悵儘無聊有夢寒猶力春意遠恨虛擲東君自是人
間客暫時來匆匆却去為誰留得走馬插花當年事池

畹空餘舊跡奈老去流光堪惜杳隔天涯人千里念無憑為寄長相憶回首處暮雲碧

前調

詠梅二首用
甄龍友韻

洪咨夔

放了孤山鶴向西湖問訊水邊嫩寒籬落試粉盈盈微
見面一點芳心先著正日暮煙輕雲薄欲攬清香和月
嚙倩馮夷為洗黃金杓花向我勸多酌單于吹徹今
成昨未甘渠琢玉為堂把春留却倚徧黃昏欄十二知
被兒曹先覺更笑煞盧仝赤脚但得東風先在手管綠

陰好踐青青約方寸事兩眉角

前調

洪咨夔

誰識昂昂鶴且隨緣刺水殘山東邨西落世事幾番新
局面看底却高三著況轉首西山日薄雪意壓簷梅索
笑任柄長柄短鄰家杓筍小甕動孤酌見花憶得年
時昨正微醺獨步黃昏被花迷却冷月吹香春弄影么
鳳梢頭先覺恍夢斷羅浮山脚欲寄心期無驛使想凌
寒不奈腰肢約空凭暖畫闌角

前調

賦三高祠
前釣雪亭

盧祖皋

挽住風前柳。問鷗夷、當日扁舟。近曾來否。月落潮生無
限事。零落茶煙未久。漫留得、尊鱸依舊。可是功名從來
誤。撫荒祠、誰繼風流。後今古恨一搔首。江涵鴈影。梅
花瘦。四無塵雪。飛雲凍夜。牕如畫。萬里乾坤清絕。處付
與漁翁釣叟。又恰是、題詩時候。猛拍闌干。呼鷗鷺。道他
年我亦垂綸手。飛過我、共尊酒。

前調

姑蘇臺
觀雪

盧祖皋

十頃涵空碧畫圖中崢嶸幻玉亂零吹壁倚徧危闌吟
不盡把酒風前岼幘記當日西湖為客誰翦吳淞江上
水笑乾坤奇事成兒劇還照我夜牕白 崇臺目斷清
無極引枝筇瓊瑤步軟印登臨屐娃館娉婷知何在淚
粉愁濃恨積故作飛花狼藉舊事悠悠渾莫問有玉
蟾醉裏曾相識聊伴我夜吹笛

前調

賦梅

高觀國

月冷霜袍擁見一枝年華又晚粉愁香凍雲隔溪橋人

不度的懽春心未縱清影怕寒波搖動更沒纖毫塵俗
態倚高情預得春風寵沉凍蝶挂么鳳一杯正要吳
姬捧想見那揉酥弄白暗香偷送回首羅浮今在否寂
寞煙迷翠壠又爭奈桓伊三弄開徧西湖春意爛算羣
花正作江山夢吟思怯暮雲重

前調

端午

劉方叔

翠葆搖新竹正榴花枝頭葉底鬪紅爭綠誰在紗牕停
鍼線閒理竹西舊曲又還是蘭湯新浴手弄合歡雙綵

索笑偎人福壽低相祝金鳳輶艾花轟
龍舟喫水飛
相逐記當年懷沙舊恨至今遺俗雨過平蕪涼天闊畫
鷁凌波畫簇沸十里笙歌聲續好是蟾鉤隨歸棹任歡
呼船重成額玉猶未忍罩銀燭

前調

李劉

鵲立通明殿又重逢揆余初度夢庚華旦不學花奴簪
紅槿且看秋香宜晚任甲子重新更換天欲東都修車
馬故降神生甫維周翰歌崧嶽詠江漢
明堂歌舞夷

琛獻引星辰萬人共聽風塵長算清晝山東諸將捷席
捲黃河兩岼問誰在玉皇香案師保萬民功業在向西
京原廟行圭瓚定郊廓卜瀝澗

前調

韓 澆

病起情懷惡小簾櫳楊花墜絮木陰成幄試問春光今
幾許都把年華忘却更多少從前盟約擬待鶯邊尋好
語恍殘紅零亂風迴薄思往事信如昨 清明寒食須
行樂算人生何時富貴自徒蕭索試著春衫從酒伴亂

插繁英嫩萼信莫被功名擔閣隨分溪山供笑傲任一
身閒處誰能縛琴劍外儘杯酌

前調

小園梅枝
微紅點綴

韓 流

梅蕊依稀矣歲華深翛然但把杖藜閒倚山遶荒林紅
葉下落日孤城煙水意興寄云何則是底事疎枝橫絕
峭未吹香便與花相似不忍折為之喜 寒鴉萬點霜
風起正人家園收芋栗小槽初美欲醉阿誰同一飲欲
賦纔成又止老態度渾侵髮齒摸索孤根春在否任紅

紅白白閒桃李空爛漫豈能爾

前調

感秋采楚
詞賦此

汪莘

去郢頻回首正橫江蓀橈容與蘭旌悠久悵望龍門都
不見似把長楸孤負念往日佳人為偶獨向芳洲相思
處采蘋花杜若空盈手乘赤豹誰來後雲中眼界窮
高厚覽山川冀州還在陶唐何有木葉紛紛秋風晚縹
緲瀟湘左右見帝子冰魂相守應記揮絃相對日酹一
杯太乙東皇酒問此意君知否

前調

寄劉閨
風祭酒

汪莘

曉趁西湖約到湖頭煙消日出波生兩脚日挈白魚攜
碧酒要與詩人共酌把樓上珠簾捲却坐對荷花三萬
朶念西鄰未嫁肌如削待折與不堪著別來又見秋
蕭索恨無由將余風月伴君猿鶴相見登山臨水處醉
把茱萸盤礴唱白雪陽春新作憶自東籬人去後算人
間黃菊空零落歎作者多命薄

前調

汪莘

策杖南山去到南溪誰家宅院欺人先渡羽扇徐麾僮
僕退翠柳白沙西路帝賜我閨風玄圃一片飛來紅葉
闌細看來上有雙鸞句應念我塵中住眼前兒女閒
相語怪人間禁煙時節安排尊俎為道從來寒食好且
莫思量今古共綠水春風鷗鷺望我壺天天未晚計碧
桃花發閒庭戶歸到也對花舞

前調

次韻送
鄭宗丞

吳潛

又是春殘去倚東風寒雲澹日墮紅飄絮燕社鴻秋人

不問儘管吳笙越鼓但短髮星星無數萬事惟消彭澤
醉也何妨袖捲長沙舞身與世只如許 闌干拍手閒
情緒便終朝蒼煙白鷺北山南浦笑指午橋橋畔路簾
幙深深院宇尚趁得柳煙花霧我亦故山猿鶴怨問何
時歸棹雙溪渚歌一曲恨千縷

前調

寄趙南仲

吳潛

煙樹瓜州岼望旌旗獵獵遙空故人天遠不似沙鷗飛
得渡直到雕鞍側畔但徙倚危闌目斷自古鍾情須我

輩況人間萬事思量徧濤似雪風如箭
揚州十里珠簾捲想桃根桃葉依稀舊家庭院誰把青紅吹到眼知
有醉翁局段便回首舟移帆轉渺渺江波愁未了正淮
山日暮雲撩亂閣酒盞倚歌扇

前調

吳潛

笑口開能幾把年年芳情治思總拋閒裏桃杏枝頭春
纔半寒食清明又是但歲月飈飛川逝回首秦樓雙燕
語到如今目斷斜陽外將往事試重記香羅尚有相

思淚笑人生新愁易積舊歡難繼水上流紅無覓處還
隔闌山萬里但贏得新來憔悴昨夜東風顛狂後想餘
芳盡是飄零底詞寫就倩誰寄

前調

贈閨妓
唐玉

吳潛

可意人如玉小簾櫳輕勾澹注道家妝東長恨春歸無
尋處全在波明黛綠看冶葉倡條渾俗比似江梅清有
韻更臨風對月斜依竹看不足詠不足曲屏半掩春
山簇正輕寒夜深花睡半敲殘燭縹緲九霞光裏夢香

在衣裳賸馥又只恐銅壺聲促試問送人歸去後對一
匳花影垂金粟腸易斷情難續

前調

送吳侍郎

吳潛

說著成淒楚正塵飛岷峨灩澦兔嗥狐舞頗牧禁中留
不住彈壓征西幕府便一舸月汀煙渚四塞三關天樣
險問何人自關龍路成敗事幾今古茶蘼芍藥春
將暮最無情飄零柳絮攪人離緒屈指秋風吹鴈信應
憶西湖夜雨漫歲月消磨如許上下四方男子志肯臨

岐昵昵兒曹語呼大白為君舉

前調

滄浪亭和
夢窓韻

吳潛

撲盡征衫氣小夷猶尊壘杖屨蹋開花事邂逅山翁行
樂處何似烏衣舊里歎荒草舞臺歌地百歲光陰如夢
斷算古今興廢都如此何用灑兒曹淚江南自有漁
樵隊想家山猿愁鶴怨問人歸未寄語寒梅休放盡留
取三花兩蕊待老子領些春意皎皎風流心自許儘何
妨瘦影橫斜水煩翠羽伴醒醉

前調

賦菊

李昉英

細雨黃花悅是天教開過重陽玉裁金屑老行要尋松
竹伴雅愛山翁鬢雪任滿插追陪節物惟有淵明吾鼻
味傍東籬盤礴芳叢擷便無酒也清絕 芒寒色正孤
標潔慣平生餐霜飲露倚風迎月不比芙蓉偏嫵媚不
比茱萸太烈似隱者蕭閒巖穴至老枝頭猶健在笑紛
紛紅紫塵沙汨香耐久看晚節

前調

送鄭宗丞

趙以夫

載酒陽關去正西湖連天煙草滿堤晴絮采翠擷芳遊
冶處應和嬌絃豔鼓看柳外畫船無數萬頃琉璃渾鏡
淨陵風波洶洶魚龍舞談笑裏遽如許流觴滿引澆
離緒便東西斜陽立馬綠波南浦自是尊鱸高興動恰
聽春山杜宇漫回首軟紅香霧咫尺佳人千里隔望空
江明月橫洲渚清夢斷恨如縷

前調

寄兩吳
尚書

方岳

鴈向愁邊落渺汀洲孤雲細雨暮天寒角有美人兮山

翠外誰共霜橋月
空想朋友春猿秋鶴竹屋一燈
未了問人間局面如何著風雨後更商略
六州鐵鑄從頭錯
笑歸來冰鱸堪鱸雪螯堪嚼
莫遣孤舟橫浦溆也
怕浪狂風惡且容把釣綸收却雲外空山
知何似料清寒只與梅花約
逋老句底須作

前調

吳侍郎夢
枯梅獨秀

方岳

霜月寒如洗問梅花經年何事尚迷煙水
夢著翠霞尋好句新雪闌干獨倚見竹外
一枝黃蕊已占百花頭上

了料詩情不但江山耳春已逗有佳思 一香吹動人
間世奈何他叢篁低碧巧相虧蔽儘讓春風凡草木便
做雲根月底但留取微酸滋味除却林逋無人識算歲
寒只有天知己休弄玉怨遲滯

前調

戊戌生日用
鄭省倉韻

方岳

問訊江南客怕秋崖苔荒詩屋雲侵山屐留得釣竿西
日手夢落鷗傍鷺側倩傳語溪翁將息四十飛騰斜暮
景笑雙蓬一嬾無他畫惟飽飯散輕策 世間萬事知

何極問乾坤待誰整頓豈無豪傑水驛山邨還要我料
理松風竹雪也不學草顛詩白自有春蓑黃犢在儘諸
公寶馬搖金勒容我輩醉雲液

前調

生朝自
匡廬歸

方岳

天意然乎否待相攜風煙五畝招邀迂叟屋上青山花
木野儘可兩朋三友笑老子只堪棊酒似恁疎頑何為
者向人前不解高叉手寧學圃種松韭春猿秋鶴皆
依舊怪吾今鬢已成絲膽還如斗誰與廬山麾之去爾

輩何留之有黯離緒暮江搔首非我督郵猶束帶這一
歸便落淵明後君試問長亭柳

前調

送劉澄齋
歸京口

張槩

足馬鍾山路悵年來只解郵亭送人歸去季子貂裘塵
漸滿猶是區區羈旅漫空有劍峰如故髀肉未消儀舌
在向尊前莫灑英雄淚鞭未動酒頻舉西風亂葉長
安樹歎離離荒宮廢苑幾番禾黍雲棧縈紆今平步休
說襄淮樂土但滾滾江濤東注世上豈無高臥者奈草

廬煙鎖無人顧牋此恨付金縷

前調

送別
定軒

馮取洽

夢折營門柳送君歸整戲斑衣又攏征袖到得皇州風景異只有湖山似舊把感慨寓之杯酒雨抹晴妝西子樣且平章贖賦詩十首富與貴本來有青油幕底籌攻守擁貔貅朝氣凌雲夜鋒衝斗蜀稷淮氛猶在眼一埽政須健帚又何惜驅馳奔走快展韜鈴資世用看歸來金印懸雙肘傾玉笋為親壽

前調

謝黃玉林交
遊風月樓作

馮取洽

自顧卑棲翼似滄洲白鳥悠悠靜依拳石聊寄一梯雲
木表俯視霽虹十尺樂江上山間聲色鏡樣清流環樣
繞笑賜湖一曲誇唐敕塵外趣有誰識 飛來妙墨痕
猶濕走盤珠流出不火食人胸膈三歎陽春知和寡但
覺光生虛室何處覓倚歌簫客他日玉林來得否待平
分風月供吟筆添一友共閒逸

前調

詠菊和江
定軒韻

馮取洽

句裏思黃九笑王郎不奈寒芳腰圍如柳得似江郎饒
雅趣時攬黃花誑口吐妙語與之爭秀閒遶珍叢吟不
盡儘風前露下藥藥瘦香自足豈勞勦一尊問我能
同否歎雙溪冷落離邊傲霜猶有浩唱雲間金縷調興
發小槽珠酒待喚醒早春梅友獨恨愛花人易老漫一
年好景還依舊東望處立良久

前調

次玉林溪樓宴集韻

馮取洽

二老交相訪政不妨勃窣嬾蹢舍車而杖憶在蓉邨新

雨過門外春流浩蕩中有箇列仙臞相把酒論詩饒勝
韻更柳邊花底同心賞臨別句幾回唱忽傳風馭來
溪上遣兒曹策馬郊迎老懷欣暢爭訝金華佳父子飛
下蓬萊崑閬有四士追隨仙仗我愛君何如次道便令
人直欲傾家釀歌妙曲鄭聲放

前調

和劉潛夫韻

陳以莊

曉夢鶯呼起便安排詩家厨傳酒家行李點檢花邊新
雨露春在萬家生箇道官似錦溪清駛但使有人耕綠

野正不妨鼓吹頻來此方覓句且夷俟 畫橋西畔多
春意記年年曾來幾度落花流水行到水窮雲起處依
約輞川竹里興未屬王孫公子料想明年端門裏有傳
柑宴罷黃封醉肯回首萬杉底

前調

盧炳

綠徧芳郊木早紅榷香乾堪歎韶華瞬目薄倖東風緣
底事得恁匆匆去速正永日初長晴淑尤憶夜來成夢
處記分明渾似瑤臺宿人語靜燕雙逐 紗牕一炷沉

煙馥揀淋浪劇飲高枕春醒草屋無計留春添悵望空
寫新詞疊幅算負却照妝畫燭欲說縈心此箇事恐教
人蹙損眉峰綠慵倚徧畫闌曲

前調

梅

黃昇

自埽梅花下問梢頭冷蕊疎疎幾時開也間者闊焉今
久矣多少幽懷欲寫有誰是孤山流亞香月一聯真絕
唱與詩人千載為佳話餘興味付來者清癯不戀華
亭榭待與君白髮相親竹籬茅舍喜甚今年無酒禁溜

溜小槽壓蔗已准擬雪天霜夜自醉自吟仍自笑任解
冠落珮從嘲罵書此意寄同社

前調

題馮熙之交
游風月之樓

黃昇

倦整摩天翼笑歸來點畫亭臺按行泉石落落元龍湖
海氣更著高樓百尺收攬盡水光山色曾駕飈車蟾窟
去幾回批借月支風敕斯二者慣相識 玲瓏牕戶青
紅濕夜深時寒光爽氣洗清肝膈似此交遊真灑落判
與升堂入室有萬象來為賓客不用笙歌輕點澹看似

翁手搦虹霓筆吟思遠兩峰碧

前調

黃昇

風送行春步漸行行山路轉入雲深處問訊花梢春
幾許半在詩人杖屨點點是祥煙膏露中有瑤池千歲
種整嚴妝來作巢仙侶相嫵媚試凝竚風流座上揮
談麈更多情多才多調緩歌金縷趁取芳時同宴賞莫
惜清尊緩舉有明月隨人歸去從此一春須一到願東
君長與花為主泉共石聞斯語

前調

菊

黃昇

莫恨黃花瘦正秋林風霜搖落暮秋時候晚節相看元
不惡采采東籬獨秀試攬擷幽香盈手幾劫修來方得
到與淵明千載為知舊同冷淡比蘭友柴桑心事君
知否把人間功名富貴付之塵垢不肯折腰營口腹一
笑歸歟五柳悵此意而今安有若得風流如此老也何
妨相對無杯酒詩自可了重九

前調

陪履齋滄浪看梅

吳文英

喬木生雲氣訪中興英雄陳跡暗追前事戰艦東風慳
借便夢斷神州故里旋小築吳宮閒地華表月明歸夜
鶴歎當時花竹今如此枝上露濺清淚 遨頭小簇行
春隊步蒼苔尋幽別塢看梅開未重唱梅邊新度曲催
發寒梢凍蕊此心與東君同意後不如今今非昔兩無
言相對滄浪水懷此恨寄殘醉

前調

吳文英

湖上芙蓉早向北山山深霧冷更看花好流水茫茫城

下夢空指遊仙路
杳笑羅障雲屏親到雪玉肌膚春溫
夜飲湖光山綠成花貌
臨澗水弄清照著愁不盡宮
睂小聽一聲相思曲裏賦情多少紅日闌干鴛鴦枕那
枉裙腰褪了算誰識垂楊枝裊不是秦樓無緣分點吳
霜羞帶簪花帽但殢酒任天曉

前調

為德清趙令
君賦小垂虹

吳文英

浪影龜紋縐蘸平煙青紅半濕枕溪牕牖千尺晴虹慵
臥水萬疊羅屏擁繡漫幾度吳船回首歸鴈五湖應不

到問蒼茫釣雪人知否樵唱杳度深秀
重來趁得花時候記留連空山夜雨短亭春酒桃李新栽成蹊處盡
是行人去後但東閣官梅清瘦欸乃一聲山水綠燕無
言風定垂簾晝寒正悄驛吟袖

前調

秋曉

蔣捷

渺渺啼鴉了豆魚天寒生峭嶼五湖秋曉竹几一燈人
做夢嘶馬誰行古道起搔首窺星多少月有微黃籬無
影挂牽牛數朶青花小秋太淡添紅棗
秋痕倚賴西

風埽被西風翻催鬢與秋俱老舊院隔霜簾不捲金
粉屏邊醉倒計無此中年懷抱萬里江南吹簫恨恨參
差白鴈橫天杪煙未斂楚山杳

前調

約友三
月旦飲

蔣捷

鴈嶼晴嵐薄倚層屏千樹高低粉纖紅弱雲隘東風藏
不盡吹豔生香萬壑又散入汀蘅洲葯擾擾匆匆塵土
面看歌鶯舞燕逢春樂人共物知誰錯寶釵樓上圍
簾幙小嬋娟雙調彈箏半霄鸞鶴我輩中人無此分琴

思詩情當却也勝似愁橫眉角芳景三分纔過二便綠
陰門巷楊花落沽斗酒且同酌

前調

懷舊

蔣捷

夢冷黃金屋歎秦箏斜鴻陣裏素絃塵撲化作嬌鶯飛
歸去猶認紗牕舊綠正過雨荆桃如菽此恨難平君知
否似瓊臺湧起彈碁局消瘦影嫌明燭鴛樓瀉碎東
西玉問芳蹤何時再展翠釵難卜待把宮眉橫雲樣描
上生綃畫幅怕不是新來妝束綵扇紅牙今都在恨無

人解聽開元曲空掩袖倚修竹

前調

蔣捷

深閣簾垂繡記家人軟語燈邊笑渦紅透萬疊城頭哀
怨角吹落霜花滿袖影廝伴東奔西走望斷鄉關知何
處羨寒鴉到著黃昏後一點點歸楊柳相看只有山
如舊歎浮雲本自無心也成蒼狗明日枯荷包冷飯又
過前頭小阜趁未發且嘗卮酒醉探枵囊毛錐在問鄰
翁要寫牛經否翁不應但揺手

前調

題後院
畫像

蔣捷

綠墮雲垂領，背琵琶、盈盈裏手。粉閒紅靚，依約春遊歸來倦。又似春眠未醒，灩寒泚、低迷蓉影。鶯帶鬆聲飛過也。柳隄深尚記，停鍼聽魂，浩蕩孤芳景。
金釵斷股瓶沉井，問蘓城、香銷卷子。倩誰題詠，燈暈青紅，殘醉在小院。屏昏帳暝，誤嗔怪、眉心慵整。人道真真，招得下、任千呼萬喚，無言應空對此淚花冷。

前調

吳江

蔣捷

浪湧孤亭起是當年蓬萊頂上海風飄陸帝遣江神長
守護八柱蛟龍纏尾鬬吐出寒煙寒雨昨夜鯨翻坤軸
動卷雕翬擲向虛空裏但留得絳虹住五湖有客扁
舟樣怕羣仙重遊到此翠旌難駐手拍闌干呼白鷺為
我殷勤寄語奈鷺也驚飛沙渚星月一天雲萬壑覽茫
茫宇宙知何處鼓雙楫浩歌去

前調

將捷

妾有琵琶譜抱金槽慢撚輕拋柳梢鶯語羽調六么彈

偏了花底靈犀暗度奈敲斷玉釵纖股低畫屏深朱戶
掩捲西風滿地吹塵土芳事往蝶空訴 天天把妾芳
心誤小樓東隱約誰家鳳簫鼉鼓淚點滌衫雙袖翠修
竹淒其又暮背燈影蕭條情互捐佩洲前裙步步渺無
邊一片相思苦春去也亂紅舞

前調

括杜少陵
佳人詩

蔣捷

絕代幽人獨掩芳姿深居何處亂雲深谷自說關中良
家子零落聊依草木世喪敗誰收骨肉輕薄兒郎為夫

堦愛新人窈窕顏如玉千萬事風前燭
鴛鴦一旦成孤宿最堪憐新人歡笑舊人哀
哭侍婢賣珠回來後相與牽蘿補屋漫采得
栢枝盈掬日暮山中天寒也翠綃衣薄甚
肌生粟空斂袖倚修竹

御選歷代詩餘卷九十五

欽定四庫全書

御選歷代詩餘卷九十六目錄

一百十六字

賀新郎

下

姚勉

四首

林正大

二首

何夢桂

趙問禮

趙必瑑

三首

李震

陳紀

王奕

二首

葛長庚

三首

平江妓

韓玉

三首

黃子行

張翥

二首

張埜
二首

陶安

瞿佑

王世貞

屠隆

費元祿

顧士林

顧孔昭

欽定四庫全書

御選歷代詩餘
卷之六 目錄

吳易 二首

前調 又一體

戴復古

史達祖

李昂英 四首

前調 又一體

楊炎

史達祖 四首

前調

又一體

李南金

御選歷代詩餘卷九十六目錄

欽定四庫全書

御選歷代詩餘卷九十六

一百十六字

司經局洗馬掌局事兼翰林院修撰加二級臣王奕清奉

旨校刊

賀新郎

下

賀新郎

憶別

姚勉

薄晚收殘暑歎西風暗換流年又還如許鴉背斜陽初
斂影雲澹新涼天宇人袖手闌干凝竚鄰笛喚將鄉思

動聽愁聲又入梧桐雨秋到也尚羈旅故人只在江
南渚想應嫌久戀東華軟紅塵土寄遠裁衣知念否新
月家家砧杵魂夢想鵝黃金縷鴈影不來天更遠寫書
成欲寄憑誰與知客恨兩蛩語

前調

姚勉

牕月梅花白夜堂深燭搖紅影繡簾垂額半醉金釵嬌
暎坐寒處也留春色深意在四絃輕摘香塢花間聽啄
木翠微邊細落仙人屐星盼轉趁嬌拍人間此手真

難得向尊前相逢有分底須相識愁淺恩深千萬意惆
悵故人雲隔怕立損弓鞬紅窄換取明珠知肯否綠牕
深長共春憐惜休惱亂座中客

前調

及第作

姚勉

月轉宮牆曲六更殘鑰魚聲亮紛紛袍鵠黼座臨軒清
蹕奏天仗綴行森肅望五色雲浮黃屋三策忠嘉親賜
擢動龍顏人立班頭玉臚首唱衆心服 殿頭賜宴宮
花簇寫新詩金箋競進繡牀爭蹴御渥新霑催進謝一

點恩袍先綠歸袖惹天香芬馥玉勒金韉迎夾路九街
人盡道蒼生福爭擁入狀元局

前調

送楊帥
參之任

姚勉

唱徹陽關調伴行人梅拂征鞍曉霜寒峭金甲雕戈開
玉帳尊俎風流談笑看策馬雍容江表自是藥階苔砌
客卷經綸且泛芙蓉沼襟量闊江湖小允文事業從
容了要推他岷峨人物後先相照見說君王曾有問似
此人才多少便咫尺雲霄清要四世三公擅復舊況蜀

珍先已登廊廟但側耳聽新詔

前調

括蘭亭記

林正大

蘭亭當日事有崇山茂林脩竹羣賢畢至湍激清流相
映帶旁引流觴曲水但暢叙幽情而已一詠一觴真足
樂厭管絃絲竹紛塵耳春正暮共修禊 惠風和暢新
天氣騁高懷仰觀宇宙俯察品類俯仰之間因所寄放
蕩形骸之外曾不知老之將至感慨舊遊成陳迹念人
生行樂都能幾後視今猶昔爾

前調

書林和靖詩後

林正大

生長湖山曲羨吳兒呼吸湖光飽餐山綠世外不須論
隱逸誰似先生冰玉自骨冷神清無俗我不識君曾夢
見炯雙瞳碧色光相燭遺妙語看不足平生高節難
為續到如今凜凜風生言猶可錄不作相如封禪稿身
後誰榮誰辱爭肯效白頭吟曲好與水仙為伴侶傍西
湖湖畔脩脩竹時一酌薦秋菊

前調

何夢桂

更靜鐘初定捲珠簾人人獨立怨懷難忍欲撥金猊添
沉水病力厭厭不任任蝶粉蜂黃消盡亭北海棠還開
否縱金釵猶在成長恨花似我瘦應甚淒涼無寐閒
衾枕看夜深紫垣華蓋低搖紅柄重拂羅裳感金線塵
滿雙鴛花勝孤負我花期春令不怕鏡中羞華髮怕鏡
中無伴孤鸞影美盡處悠悠興

前調

螢火

趙問禮

池館收新雨耿幽叢流光幾點半侵疎戶入夜涼風吹

不滅冷燄微茫暗度碎影落仙盤秋露漏斷長門空照
淚袖紗寒暝竹無心顧孤枕掩殘燈吐 練囊不照詩
人苦夜沉沉拍手相親駭兒癡女闌外撲來羅扇小誰
在風廊笑語競戲蹋金釵雙股故苑荒涼悲舊賞悵寒
蕪衰草隋宮路同燐火徧秋圃

前調

壽陳新
綠二首

趙必瑒

壽酒浮萸菊記年年重陽佳節開尊華屋綠鬢朱顏春
不改彼美人兮如玉有錦繡珠璣滿腹戶外紅塵飛不

到受人間山水清閒福數花甲纔八六 十分秋色呈
新綠一簇兒池館亭臺左梅右竹柳下繫船花下飲不
減西園金谷更橘外安排碁局獨立小橋明月夜喚鶯
鶯低唱雙飛曲有子也萬事足

前調

趙必瑗

低唱芙蓉菊有吟翁坐擁紅嬌宴黃金屋恰則紋麟三
日後燦燦睂盤珠玉不待夢燕懷松腹自是嫦娥分桂
種伴靈椿千歲延清福回笑我龜藏六 歸歟老圃鉏

新綠吾菟裘三逕荒苔一逕瘦竹欲隱貧無山可買聊
爾徜徉盤谷更管甚雲臺玉局緊閉柴門傳語客道主
人高枕南牕曲有酒蟹此生足

前調

賀張小
山納婦

趙必璩

沙上盟鷗鷺笑吟翁夢今不到草堂深處金屋重重深
處睡暖翠偎香步步已自摘蟠桃三度舊日晝晷情性
在更君房妙絕文章語消受得乘鸞侶樓中燕燕誰
家住又從新移根換葉栽花千樹第一信風春事覺莫

遣綠羞紅汗早早做闌干遮護天上因緣十里合喜乘
槎先入銀河路人似玉衣金縷

前調

題高尚書
夜山圖

李震

樓據英山背倚高寒塵飛不到越山相對老月騰輝羣
動息獨坐清分沆瀣更滿聽潮聲澎湃醉裏詩成神鬼
泣景蒼涼又在新詩外渾忘却功名債憑誰妙筆能
圖繪羨中郎前身摩詰宛然心會拈出清宵無限意半
幅溪藤光怪方信有人間仙界雲淡天低奇絕處笑僧

絲未識丹青在留此軸誇千載

前調

聽琵琶

陳紀

趁拍哀絃促聽泠泠絃間細響手間推覆鶯語間闌花
底滑急雨斜穿梧竹又澗底松風簌簌鐵撥鷗絃春夜
永對金釵鍾乳人如玉敲象板翦銀燭六么聲斷涼
州續悵梅花歲晚天寒佳人空谷有限絃聲無限意淪
落天涯幽獨頓喚起閒愁千斛賀老定場無處問到如
今只鼓昭君曲呼羯鼓瀉醺醺

前調

紀行
二首

王奕

有客過東魯自葛水泛舟西下帆開三楚萬里湖光磨
水鏡五老落星煙渚又飛過二妃門戶彭澤柳青新舊
色望九華依約池陽路風雨廟烏江羽 蛾眉牛渚皆
如故問緣何潯港汀洲江聲無語采石書生勲業在公
子錦袍何處流恨下秦淮商女多景樓頭吟北固笑平
山堂裏誰為主且爛飲瓊花露

前調

王奕

醉醒瓊花露買扁舟召伯津頭向秦郵去流水孤邨鴉
萬點回首少遊斜樹又訪著山陽酒侶細別留城碑蘚
看上歌臺一笑江東主望鳬繹過鄒魯孔林百拜瞻
瑩墓歷曲阜少皞之虛大庭之庫竟涉汶河登泰岱夜
半清光玄圃迤邐問東平歸路四塚黃花吟笑罷下新
州醉白樓頭賦復淮楚尋故步

前調

葛長庚

且盡杯中酒問平生湖海心期更如君否渭樹江雲多

少恨離合古今非偶更風雨十常八九長鉞歌彈明月
墮對蕭蕭客鬢閒攜手還怕折渡頭柳小樓夜久微
涼透倚危闌一池倒影半空星斗此會明年知何處蘋
末秋風未久漫輸與鷺朋鷗友已辦扁舟松江去與鱸
魚尊菜論交舊應念此重回首

前調

葛長庚

謂是無情者又如何臨歧欲別淚珠如灑此去蘭舟雙
槳急兩岬秋山似畫況已是芙蓉開也小立西風楊柳

岼覺衣單略說些些話重把我袖兒把 小詞做了和
愁寫送將歸要相思處月明今夜客裏不堪仍送客平
昔交遊亦寡况慘慘蒼梧之野未可淒涼休哽咽更明
朝後日纔方卸情默默斜陽下

前調

葛長庚

月插青螺髻柳梢頭斜陽荏苒西風搖曳數粒蒼山黏
遠漢樹色煙光紫翠飛騎氣半醒半醉劍跨秋空磨星
斗指瑯童不得鳴金轡恐驚動紫清帝 浮雲飛渡蓬

萊水憶山中松寒露冷猿啼鶴唳家在武夷巖谷裏一
畝煙霞活計歎撚指人生百歲蘭畹芝田幾今古洞門
前小鹿銜花戲不知有人間世

前調

送太守

平江妓

春色元無主荷東君著意看承等閒分付多少無情風
與浪那更蝶欺蜂妒算燕雀眼前無數縱使簾櫳能愛
護到如今已是成遲暮芳草碧遮歸路 看看到得難
言處怕仙槎輕轉旌旗易歌襦袴月滿西樓絃索靜雲

蔽崑城閨府便恁地一帆輕舉獨倚闌干愁拍碎慘玉
容淚眼如紅雨去與住兩難訴

前調

韓玉

柳外鶯聲碎晚晴天東風力軟嫩寒初退花底覓春春
已去時見亂紅飛墜又聞傍闌干十二闌外青山煙縹
緲遠連空愁與看峰對凝望處雨疊翠鴛鴦結帶靈
犀佩綺屏深香羅帳小寶檠燈背誰謂彩雲和夢斷青
翼阻尋後會待都把相思情綴便做錦書難寫恨奈菱

花却見人憔悴那更有枕函淚

前調

韓玉

綽約人如玉試新妝嬌黃半綠漢宮勻注倚傍小闌閒
佇立翠帶風前似舞記洛浦當年儔侶羅韞塵生香丹
冉料征鴻微步淩波女驚夢斷楚江渚春工若見應
為主忍都教閒亭邃館冷風淒雨待把此花都折取和
淚連香寄與須信道離情如許煙水茫茫斜照裏是騷
人九辨招魂處千古恨與誰語

前調

韓玉

睡起簾櫳靜展金鋪春幃半掩寶香煙冷門外落花風
不定糝糝亂紅堆徑誰喚做春愁如病零亂雲鬟慵梳
掠傍菱花羞對孤鸞影情易感恨難醒沙邊柳外當
時景記分攜離筵乍闕去帆初整盡舉棹歌和淚聽雲
淡水寒煙暝空愴望樓高天迴猶未歸來何處也日長
時不念人孤冷書漫寫鴈誰倩

前調

詠冰
筋

黃子行

開徧寒梅萼正東皇排酥砌玉幻成樓閣十萬瓊琚仙
女隊來趁春光遊樂向醉裏玉釵輕落零亂不知何處
去甚人間一夜東風惡吹起在畫簷角參差向曉森
如削似吳姬妝殘粉指向人垂著好似西園春筍瘦紅
綿綳兒乍剝且莫遣兒童敲却擬辦羔兒香甕酒喚劉
叉來醉牕前約吟好句且描摸

前調

送友還
廣陵

張翥

西子湖邊路看依然水光山色自宜晴雨天上歸來重

載酒惟有舊盟鷗鷺笑鬢影星星如許公子華筵涼似
水更綠鬟窈窕歌金縷留晚醉着着嫵 三生書記真
豪舉把平生香奩軟語錦囊佳句君到淮南明月夜爲
問崔孃安否翻怨作錦箏新譜只恐驚鴻花外起趁行
雲直過滄江去飛不到斷腸處

前調

送上官子東
之崑山州幕

張翥

煙草長洲苑渺姑蘇舊游麋鹿歲華云晚多少吳宮花
月恨春去春來不管只付與行人淒斷君去風流賓幕

裏把今情古意供裁翦珠唾濕玉煙暖
相逢儘看金杯滿信人生好懷有幾夢長緣短白髮崢嶸三千丈底
用雲揉雨染且鬪取尊前強健爲問浮槎還到否便乘
之直上三山遠看瀛島水清淺

前調

淮上
中秋

張埜

晚竦收殘雨喜晴空冰輪飛上月明三五前歲錢塘江
上看去歲京華容與今歲又秋風淮浦料得姮娥應笑
我笑星星鬢影今如許空浪走竟何補此生此夜還

知否問幾人滄浪抖擻衣裾塵土獨倚蓬牕誰共飲萬
象不分賓主恍疑在玉霄高處擊碎珊瑚歌未徹見洪
濤千丈魚龍舞舟一葉任掀舉

前調

張 埜

九日城西路豔平川黃雲萬頃碧山無數百尺危臺堪
眺望抖擻征衫塵土又惹起悲涼今古珮玉鳴鸞春夢
斷賴高情且作風煙主嗟往事向誰語 人生適意真
難遇對西風滿浮大白狂歌起舞便得腰懸黃金印於

世涓埃何補愈想起淵明高趣莫唱當時朝士曲怕黃
花紅葉俱淒楚愁思在鴈飛處

前調

夜宿省中
懷賀久孚

陶安

庭樹秋聲冷夜迢迢漏傳銀箭月明華省最惜稽山無
賀老短燭照人紅影依稀夢續還驚醒風透圍屏青瑣
薄且披衣立傍梧桐井兵衛宿畫廊靜江湖聚散如
萍梗笑談間雲霄滿足一鞭馳騁萬壑水晶天不夜人
在玉真仙境說近日四郊無警兵後遺黎歸故里漸桑

麻綠映鵝湖嶺須攜手尋風景

前調

題秦女
吹簫圖

瞿佑

風露非人世正良宵月華如畫雲開天霽十二樓高無人到只有彩鸞飛至便同跨搏風雙翅手弄參差瓊玉瑄向曲中寫出求凰意霄漢上共遊戲祥飈浩蕩吹香袂任釵橫鬢亂嬾把妝梳重試償盡三生于飛願到處相隨尤殢果然是赤繩雙繫天若有情天也許許人間夫婦咸如是歡樂事莫相棄

前調

謝表後
善惠酒

王世貞

天意歸風雨到如今
緩紅舒翠一番重起
況更索居無一事
鎮日琴書而已
待醉也如何得醉
多謝白衣能遠致
把葛巾忙卸
科頭倚胸磊塊
故應洗瓊膏
漫入清尊
細似當年掌分
莖露雪消春水
試折荷筒
充甕駕憑借
麴生爲馭
直引到華胥路裏
遮莫歸來問名姓
道清真衣袂
頻爲主天下事
任公耳

前調

錦帳詞贈陳
伯符歸娶

屠隆

華屋重門敞正開
簾花近龍笙金屏月上羅綺香中雲
不散相映銀缸繡幌年少也風流兩兩何處天風吹得
下似一雙綵鳳紛來往明月度玉簫響
郎君得意辭
天仗乍相逢新人似玉明珠入掌宛轉流蘓誰不羨萬
朶芙蓉羅帳人却在瑤池蓬閣占斷人間歡樂事只人
間何必如天上對風景總堪賞

前調

暮春

費元祿

瑞腦燒金鼎捲重簾庭陰正午畫堂人靜春落天涯知

何處糝地楊花飛盡印玉枕流鶯催醒梅雨紗牕寒欲
透更長年三月厭厭病愁不語慵看鏡江南舊事須
重整隔花陰傳消息月娥難倩夢斷秦樓相思久芳
草佳期未定倚徧了梧桐金井蝴蝶已歸煤麝冷枉教
人揉碎丁香影誰共我步香徑

前調

標括王于安
滕王閣賦序

顧士林

故郡開新府下臨江長洲舊館兀然今古聳翠流丹分
翼軫雨捲雲飛朝暮競玉珮鳴鸞歌舞雅望閭公張勝

錢盡東南勝友兼文武蛟鳳起竟誰數 書生萬里晨
昏路出名區九秋霞驚一帆檣櫓作賦羣公應讓座寶
樹謝家堪許看逸興遄飛曾嫵獨惜凌雲揚意少漫猖
狂投筆神淒楚聽晚唱漁歸浦

前調

九日
獨酌

顧孔昭

初試羅衣皺漸秋深東籬風露菊芳蘭秀蕤蕤黃雲彌
四野今歲吳農大有喜佳節又臨重九不用登高悲往
事但花前莫放傳杯手歌玉案拍銅斗 牛山此日空

沾袖算浮生如雲變幻白衣蒼狗杜牧多情剛解道人
世難逢笑口年少去幾時還又樹杪落暉休悵望滿寒
空月色明如畫舞影亂更呼酒

前調

九日

吳易

身世今如此甚重陽正逢陽九劫花飛墜愁雨驕雲天
欲暝孤館海涯愁寄縱滿目天涯秋霽紅萼黃英堪鬪
豔但登臨只送西風淚千斛酒怎能醉 龍山嘲詠成
何事儘豪雄彭城歌舞金釵鐵騎揮霍燕秦如電埽萬

里鷹揚虎視問江左霸才何處檢盡紛紛南北史算神
州離合渾無據江水咽向東注

前調

戲馬臺

吳易

九曲洪河瀉似重瞳風流豪宕美人駿馬驀澗注波三
十萬蓋世暗鳴叱咤目斷處高丘浩野成敗難平廣武
歎儘紛紛豎子王和霸君莫笑拔山者 卯金龍種堪
無價下梢頭使君七箸寄奴田舍玉帳茱萸歌吹滿舊
楚樓船臺榭對寂寞山川圖畫鬪虎英雄爭鹿地付烏

騅赤免漁樵話藉草坐淚盈把

前調

又一體
淮偉觀樓

戴復古

百尺連雲起試登臨江山人物一時俱偉傍挹金陵龍
虎勢京峴諸峰對峙隱隱接揚州歌吹雪浪舞從三峽
下乍逢迎海若談秋水形勝地有如此使君一世經
綸志把風斤月斧來此等閒遊戲見說樓成無多日大
手一何容易笑天下紛紛血指醞釀春風與和氣舉長
江變作香醪美人共樂醉桃李

前調

湖上高賓王
趙子楚同賦

史達祖

西子相思切。委蕭蕭、風裳水佩，照人清越。山染蛾眉波
曼睭，聊可與之娛悅。便莫賦、湘妃羅襪。怕見綠荷相倚，
恨恨白鷗占了涼波。閣揀涼處，放船歇。道人不是塵
埃物，縱狂吟、落魄吹亂一巾涼髮。不覺引杯澆肺渴。正
要清歌駭發。更坐上、其人冰雪。截取斷虹，堪作釣待玉
匱。今夜來時節也。勝釣石城月。

前調

陪廣帥方石
史登越臺

李昴英

繡谷流明幟穩飛輿柔草碧蓋欹松翠遨首意行窮
絕頂綵榭十年勝地遠峰斷莽蒼煙水護日晴雲收午
暑颯長風振葉生秋思籠霧炷飄霞袂 清明官府歌
棠芾且蕭閒事外下看玉城珠市山色驕人逢此客塵
尾霏霏露碎一笑又羊銜新穗田野歡聲和氣合喚觥
船猛爲魚占喜誰會得醉翁意

前調

白蓮

李昴英

誰種藍田玉碧雲深亭亭月上水明溪曲羞作時妝兒

女態冷淡水餐露沐出塵外風標幽獨除了留侯無此
貌便何郎傅粉終麤俗意凝遠韻清淑涼臺向晚微
風馥訝銀杯羽化折取戲浮醺醖安得梅花如許大天
遣辟除暑溽渾不覺鷺翹鷗浴可恨妖紅浮太液只東
林社友追遊熟宜夜看燦瑤燭

前調

李昂英

過雨璇空濕浩秋香光浮桂菊曉風吹入柳繫牙樯應
小駐草草還成勝集又追趁壯車原隰照座玉人風骨

聳想胸蟠蕊闕琳琅笈眞作者世難及
遠山雲霧工
開翕共朱闌徙倚總好錦囊收拾老我只今才思澀知
二爭如知十夏金縷檀敲休急訪古夷猶行八境憶朝
陽鳴鳳臺端立筆也醉硯池吸

前調

用前韻錢吳憲
燧持節江西

李昉英

元日除書濕到而今西風老矣駕軺初入自是龍顏深
注想孤鳳翔而後集久父老攀留原隰庾嶺經行梅亦
喜小奚奴背底惟詩笈冰雪句又誰及
昨來容易風

雲翕便三台兩地也只等閒如拾天馬不鳴凡馬暗百
步何如五十況洶洶波濤方急此去一言回天力看著
高百尺竿頭立澆磊塊快鯨吸

前調

又一體

楊炎

夢裏驂鸞馭望蓬萊不遠翩然被風吹去吹到楚樓煙
月上不記人間何處但疑是蓬壺別所縹緲霓裳天女
隊奉一仙滿把流霞舉如喚我醉中舞 醉醒夢覺知
何許問瀟湘今日誰與主盟尊俎無限青春難老意擬

倩管絃寄與待新築沙堤穩步萬里雲霄都歷徧却依
前流水桃源路留此筆為君賦

前調

史達祖

花落臺池靜自春衫閒來老了舊香荀令酒既相違詩
亦可此外雲沉夢冷又催喚官河蘭艇輒岼煙飛吹不
斷望樓陰欲帶朱橋影和草色入輕暝 裙邊竹葉多
應賸怪南溪見後無箇再來芳信蝴蝶一生花裏活難
制竊香心性便有段新愁隨定落日年年宮樹綠墮新

聲玉笛西風勁誰伴我月中聽

前調

史達祖

綠障南城樹有高樓銜城樓下
艾荷無數客自倚闌魚
亦避恐是持竿伴侶對前浦
扁舟容與楊柳影間風不
到倩詩情飛過鴛鴦浦人正
在斷腸處兩山帶著冥
冥雨想低簾短額誰見恨時
看嫵別為青尊眠錦瑟怕
被歌留愁住便欲趁採蓮歸
去前度劉郎雖老矣奈年
來猶道多情句應笑煞舊鷓鴣

前調

七夕

史達祖

鵲翅西風淺。乍疎雲垂幔。近月銀鉤將卷。天上應閒支
機石。前度芳盟誰踐。便好織回文錦。獻乞得濃歡。今夜
裏算盈盈一水。曾何遠。寧不會暗相見。綵樓吹斷。閒
鍼線。想幽情嫩約。別有蘚庭花院。青鳥沉沉音塵絕。煙
鎖蓬萊宮殿。漸木杪參旗西轉。不怕天孫成間。隔怕人
間。薄倖心腸變。又學得易分散。

前調

西湖
月下

史達祖

同住西山下是天地中間愛酒能詩之杜船向西陵佳
處放塵世必無知者暑不到雪宮風榭楚竹忽然呼月
上被東西幾葉雲縈惹雲散去笑聲罷清尊莫為嬋
娟瀉為狂吟醉舞毋失晉人風雅踏碎橋邊楊柳影不
聽漁樵閒話更欲舉空杯相謝北斗以南如此幾想吾
曹便是神仙也問今夜是何夜


前調

又一體

李南金

流落今如許我亦三生杜牧為秋娘著句先自多愁多

感慨更值江南春暮君看取落花飛絮也有吹來穿繡
幌有因風飄墮隨塵土人世事總無據 佳人命薄君
休訴若說與英雄心事一生更苦且盡尊前今日意休
記綠牕眉嫵但春到兒家庭戶幽恨一簾煙月曉恐明
朝鴈亦無尋處渾渾欲倩鶯留住



御選歷代詩餘卷九十六